

TEZAYTUVLAR

Bir dalda eki qartal,
Biri – qart qartal.
Biri – yaş qartal.
Yaş qartal dal qaçar,
Qart qartal dal tartar.

Ocaq başında qartanay
Çorap, şalğa yün taray.
Qara sığır balasını yalay,
Anam babama çorap yamay.

Aşamalı, içmeli,
Şaşmamamalı.

Sarımsaqlamalımı,
Sarımsaqlamamalımı?

Qartbabam qarğanı
Qoradan quvdı,
Qorqudan qart qarğa
Qanatın qırdı.

Qarçığa qarşında
Qarılğaç qanadı
Körünmegen küz künü
Kemal Kerimni Kiçkene köyünden
Ketirip, qarçığa qarşında
Qaldırıp ketken.

Arpaçıq aşığan
Alime apte
Ağzına acıtqı,
Aq arpa alğan.

Aşadan kelir topal çoban,
Yasap satar çatal saban.
Niçün yasap satar topal çoban
Çatal saban?

Bizim azbarda bir çoq alabota öse,
Bu ala botalarını alabotalaycaqsıñmı?
Yoqsa alabotalamaycaqsıñmı?
Alabotalaycaq olsañ, alabotalat,
Alabotalamaycaq olsañ, alabotalatma!

Qaydan (yuqarıdan) eki tamla tamlay,
Biri benim mañlayıma tamlay,
Biri anamnıñ mañlayına tamlay.

Üç tas qaysı hoşafı.

Şu qarşıdaki dağda eki tilki –
Biri erkek, biri dişi.
Erkek kürkü yırtıq tilkiniñ kürkünü,
Dişi kürkü yırtıq tilkiniñ kürkünü
Yamamalı, yoqsa
Dişi kürkü yırtıq tilkiniñ kürkünü,
Erkek kürkü yırtıq tilkiniñ kürkünü
Yamamalı?

Qırq quluplı qup,
Qulupı qırq qup.

Dağ túbünde qart çoqraq,
Suvunu içe çoq topraq
Em tuvarlar, em quşlar,

Kiyik, turna, köküşler,
Qurt, qarınca, yılanlar,
Em de dağda olğanlar,
Ormançı evlâtları,
Ormancınıñ atları,
Terlep şır suv olğanlar,
Yorulğan em solğanlar.

El elini tutar, el de yüzni,
Yüz ise közni tutar, köz ise sözni.
Közü yoqniñ – sözü yoq.
Sözü yoqniñ – özü yoq.

Degirmenge kirdim,
Süründim, sipirildim,
Silkindim çıqtım.

Erikten eteknen ekşi erikni
Endirgen eriş Eskender,
Endekke engende etekni eslemey
Ekşi eriklerni ezdi de ezdi!

Qara qarğa
Basqan boğa.
Uça çapa
Sanki yorğa,
Benek benek izçikleri,
Tizilerek kete qırğa.

Quşçıq bödene
Armut dügene,
Uça bödene
Armut yegene.

Çatalcada topal çoban
Yapar satar çatal saban,
Nasıl yapar, nasıl satar,
Çatalcada topal çoban çatal saban.

Emine elinde elvanen emcesi
Erecepniñ erılğan ekilgen evine engende emcesi
Erecep Ercivan eniştesiniñ evinde eglene eken.

Torğay torğayniñ
Közün çoqumaz,
Çoqur ise de
İç kimse duymaz.
Duyğanda qazarmı
Oña bir çuqur?
Adeti şay onıñ
Epsi bir çoqur.

Gülge bülbül yaraşamı,
Bülbülge gül yaraşamı?

Salma salım saanğa,
Saqladım sardım.
Borcum bar Beşir babayğa,
Buyuqıp bardım,
Borcumnı berdim –
Bermedim, beralmadım,
Qayıp kerı keterek,
Oyğa daldım.
Salma salqın sarayda
Saruvlı, saqlı,
Tapar Beşir qart onı
Olsa aqıllı.

Eçki piçen parçasını
Taptı, qaptı,
Saibi pencereden

Külip baqtı.

Ögde tura ciyren at,
Eçki artta,
Neçün piçen qaptı o,
Bar da arpa?
Eçki piçen aşasın,
Atqa – arpa.
Çünki yükniñ ağırın
Atlar tarta.

Er kes maramasını alıp,
Maramalandı,
Men maramamnı alıp,
Maramalanamadım.

Yip üstünde torğayçıq,
Attı aşa, attı aşa.

Sıq elek,
Siyrek elek,
Yepelek yepelek,
Uç köbelek.

Aranda, arqanğa
Alışqan at da
Asime apteden
Aq tilep alğan.

Reşatım, Reşatım babasına oşattım,
Babası ketken soñ, anasına oşattım.
Oşattım, aşattım,
Yüregimni boşattım

Eski ananıñ toqmağını
Top, top, top,
Yañı ananıñ toqmağını
Top, top, top.

SAYUVLAR

Elemki, belemki,
Temir teki
Seksen eki bızıldavuş,
Bozma tayaq.
Aq quş, kök quş,
Boş ağız tiliñni qıs.

Davul taqtım boynuma,
Çıqtım deve yoluna.
Deve yolu bit bazar,
Bit bazarda ayuv bar.
Ayuv meni qorquzdı,
Qulağımni çıñlattı.

Ennan mennan,
Taştan yonğan,
Obaçıq, töpeçik,
Qara köz köpeçik.

İni pini inkatorı,
Şakir makir pomidorı,
Az pas, qızıl qas
Natariya findıq.

İrlik dirlik,
Dir qancalıq,
Faqqa fuqqu,
Fuq qancalıq,
Es bes,
Dıqqay ses,
Dıqqay babay,
Çıq da kes.

Eveleme, develeme
Deve quşu quvalama,
Abbel, tubbel
Tazi, tuzı
Berber qızı
Ne vaqıt çıqacaq?
Yazdan, buzdan,
Bir avuç tuzdan,
Leppey çuval, çıq.

İne ine, ucu dögme,
Belbeline beline
Çam ağacı çatır keçi,
Qoz ağacı qotur keçi,
Abbel dubbel, yarıl yurul,
Çıq da qurtul.

Abalama, dırbalama,
Dayım qızın qorçalama.
Al pul, op pul
Çıq da qurtul.

İne ine, İzzet ine,
Beliyuvardan baqır ine,
Şam dedim – şora,
Kümüş dedim – para,
Al aldım, yol aldım,
Arıl, yorul,
Çıq da qurtul.

Eleme, beleme,
Çeşça çüre,
Zenge benge,
Araba qapı,
Tas, tıs,
Anda mında

Yerge pıs.

İna-ina, ezetina,
Belbabi ne bekir ine,
Şa main, şatır ğayın,
Ebabiliñ, çıqsın tili.

Ebeleme, bebeleme,
Dayıñ qızın töpeleme.
Appal, uppal,
Cail, coyul,
Çıq da qurtul.

Elim, belim,
Tahta telim.
Sığırım sağdım
İçmek için,
Sığır tepti,
Horaz ötti,
Bülbül saña
Selâm etti.
Selâmi, salâmi
Qayda qalğan
Şu mali.

Yoldan taptım bir ine,
Bardım berdim aneme,
Anem berdi bir deve,
Mindim kettim dayıma.
Dayım bekmez qaynata,
Qızlar qaşıq oynata.
Op, op develer
Qarasuvdan keleler.
Yağlı yağlı piteler
Alıp alıp keteler.

Baş parmaq

Baş baqa,
Ulam parmaq
Un eley.
Orta parmaq
Ot yaqa,
Aci İbrahim
At baqa,
Kiçkene bibi
Qazanniñ tübünü qıra.

Eveleme, develeme.
Deve quşu quvalama
El ber, qum ber,
Eski çember.

Elif, be, te, se,
Cim, dal, köse,
Anem mamayçiq berse:
Qarniñ açsa,
Qırğa qaç,
Qırdan saña
Qırq qalaç.
Otuz doquzın aşa
Birin maña
Al da, qaç!

Eki sekiz, bir doquz,
Em yigirmi, em otuz.
Beşke bölip, bir qoşsañ.
On altıdır – inansañ.
İnanmasañ, say da baq,
On altıdır o mitlaq.

ERİŞTİRÜVLER

Oymaq ağız, findıq burun,
Yüzüm köz, qalem qaş
Tahta mañlay,
Qabaqbaş.

Çarıq ağız, çoqmar burun
Patlaq köz, çatma qaş,
Araba qapu,
Senek sapu,
Qolda taşı,
Elde aşı,
Bitli başı.

Tişsiz papu,
Araba qapu
Ğıç, ğıç, ğıç.

Masal, masal mas,
Osmanniñ başı taz.
Tüşer quyuğa çıqmaz,
Olur oña altı ay yaz.

Aynik, baynik,
Balaban çaynik
Eski de, feri de
Alime, Köki, Şeride.